



DEPARTAMENTI I EPIDEMIOLOGJISË DHE KONTROLLIT TË
SËMUNDJEVE INFEKTIVE

BULETINI MUJOR I
SËMUNDSHMËRISË
INFEKTIVE
(Pasqyra 14 Sh)

SHKURT, 2025

Buletini Mujoy i Sëmundshmërisë Infektive publikohet çdo muaj nga Sektori i Survejancës dhe Shërbimi i Inteligjencës Epidemike, Instituti i Shëndetit Publik (ISHP) dhe bazohet në të dhënat e raportuara përmes Pasqyrës Mujore 14 Sh dhe Sistemit të Informacionit të Sëmundjeve Infektive (SISI). Të dhënat e agreguara të Pasqyrës 14 Sh dhe të dhënat individuale të raportuara në SISI për muajin shkurt 2025 janë të dhënat e raportuara nga Njësitë Vendore të Kujdesit Shëndetësor (NJVKSH) të cilat krahasohen nga Departamenti i Epidemiologjisë dhe Kontrollit të Sëmundjeve Infektive (DEKSI), dhe plotësohen edhe me të dhënat e laboratorëve të referencës në ISHP. Ky raport paraqet kryesisht rastet e konfirmuara dhe në disa raste edhe rastet e dyshuara dhe të konfirmuara.

1. Sëmundjet diarreike

Sëmundjet diarreike gjatë muajit shkurt 2025 zënë 17.9 % të totalit të sëmundjeve infektive të raportuara me anë të Pasqyrës 14 Sh, dhe paraqesin një incidencë 182.4/100.000 banorë. Gastro-enteritet e paspecifikuara janë të shpërndara në të gjitha bashkitë e vendit dhe zënë peshën kryesore në grupin e sëmundjeve diarreike. Ndërkohë që, në nivel kombëtar helmimet ushqimore paraqesin një incidencë 2.9/100.000 banorë. NJVKSH Berat dhe Kukës mbajnë peshën kryesore në raportimin e helmimeve ushqimore. Duhet theksuar që, numri i lartë i rasteve të raportuara me helmime ushqimore dhe gastro-enterite është i lidhur me pamundësinë në nivelin e disa bashkive për diagnozën e saktë klinike dhe konfirmimin e saj me diagnozën laboratorike mikrobiologjike. NJVKSH Shkodër mban peshën kryesore të incidencës së Salmonelozës dhe Shigelozës për muajin shkurt 2025 në nivel kombëtar.

Tabela 1: Frekuencat dhe incidencat e sëmundjeve diarreike për muajin shkurt 2025 (Incidenca raste/100.000 banorë)


	Raste shkurt 2025	Incidenca shkurt 2025 (raste/100.000 banorë)
Tifo abdominale + Paratifo	1	0.03
Salmoneloza	8	0.28
Shigelozë (Disenteri bacilare)	3	0.10
Dizenteri amebike	0	0.00
Toksiko-infeksione alimentare	82	2.8
Gastro-enterite (etiologji e panjohur)	5129	179.1
Sëmundje diarreike në total	5223	182.4

2. Sëmundjet që parandalohen nga vaksina

2.1 Variçela

Në raportimin mujor të sëmundshmërisë infektive gjatë muajit shkurt 2025 janë raportuar në total 165 raste variçelë (incidenca 5.7/ 100.000 banorë) nga të cilat, 99 raste janë të dyshuara dhe 66 të konfirmuara klinikisht, bazuar kjo në përkufizimin e rastit për sëmundjen variçelë. Numri më i madh i rasteve është raportuar nga NJVKSH Tiranë me 56 raste. Numri më i lartë i rasteve i përket grup-moshës 4-9 vjeç me 67 raste, grafiku 1.


Grafiku 1. Shpërndarja e rasteve sipas grup-moshës



2.2 Fruthi

Gjatë muajit shkurt janë raportuar 7 raste të dyshuar me fruth nga të cilat janë konfirmuar 3 (42.8%) raste nga ana laboratorike si pozitiv me virusin e fruthit. Incidenca e fruthit për muajin shkurt është 0.12 raste/ 100000 banorë.

Grafiku 2. Shpërndarja e rasteve sipas grup-moshës



Rastet i përkasin grup-moshave pediatrike përkatësisht 1 vjeç, 4 vjeç dhe 6 vjeç. Të tre rastet kanë qenë të shtruar në spital me shenja të fruthit. Vetëm një rast është i vaksinuar me një dozë vaksine FRP dhe 2 raste janë të pavaksinuar. Një rast është banor i bashkisë Lezhë dhe 2 raste të bashkisë Fier. Nga ana e shërbimit epidemiologjik pranë çdo bashkie është kryer hetimi në vatër për rastet dhe janë marrë masat e kontrollit për ndërprerjen e transmetimit të virusit.

3. Tuberkulozi pulmonar dhe ekstrapulmonar

Gjatë muajit shkurt 2025 janë raportuar gjithsej 11 raste me tuberkuloz (TB). Të 11 rastet janë pulmonar.

Rastet e raportuara me TB pulmonar janë të konfirmuara pozitiv.

Rastet pulmonare përkatësisht janë: 4 në Tiranë, 1 në Durrës, 1 në Fier, 1 në Korçë, 1 në Krujë, 1 në Lezhë, 1 në Shkodër dhe 1 në Lushnjë.

Konfirmimet e tyre janë kryer në Laboratorin e Referencës të rekomanduara nga dispanseria e rrethit përkatës. Për të gjitha rastet janë lajmëruar dispanseritë përkatëse për të komunikuar me familjarët e tyre, si dhe për të kryer kontrollin në vatër bazuar në të gjitha ekzaminimet për depistimin e tyre. Pothuajse të gjithë pacientët kanë filluar mjekimin sipas skemës përkatëse. Siç vihet re dhe nga shpërndarja e rasteve, ato me TB janë të fokusuara kryesisht në Tiranë me numër më të madh.

4. Sëmundjet zoonotike

Tabela 2: Shpërndarja e zoonozave në muajin shkurt 2025, numri total i rasteve dhe incidenca (Antraks, Brucelozë, Leptospirozë, Rikeciozë)

	Shkurt (raste 2025)	Incidenca (raste/100,000) 2025
Antraks (Plasje)	0	0
Brucelozë	4	0.14
Leptospirozë	1	0.03

Për muajin shkurt janë raportuar 4 raste Brucelozë përkatësisht: 1 në Korçë, 1 në Delvinë dhe 2 në Gjirokastrë. Gjithashtu, është raportuar edhe 1 rast i konfirmuar me Leptospirozë nga Korça.

5. Sëmundje infektive me transmetim përmes ajrit


COVID-19

Gjatë muajit shkurt 2025 janë raportuar në Sistemin e Informacionit të Sëmundjeve Infektive 1 rast i konfirmuar me COVID-19 dhe incidenca e kësaj sëmundjeje për muajin shkurt është 0.03 raste /100000 banorë.

Grip

Gjatë muajit shkurt janë raportuar në Sistemin e Informacionit të Sëmundjeve Infektive 333 raste të konfirmuara me Grip, dhe incidenca e kësaj sëmundjeje për muajin shkurt është 11.6 raste /100000 banorë. Grafiku 7 tregon shpërndarjen e rasteve sipas tipit të viruseve qarkullues. Vërehet mbizotërim i Gripit Tipi A.

Grafiku 3. Tipi i viruseve qarkulluese



Në muajin shkurt qarkullimi i gripit arriti intensitet mesatar duke paraqitur aktivitet sezonal normal të zakonshëm dhe të pritshëm për stinën, dhe përhapje gjeografike rajonale. Raste me grip u identifikuan si nga survejanca sentinel ILI-SARI, ashtu edhe nga survejanca virologjike josentinel.

6. Sëmundje të tjera

6.1 Meningit Bakterial Meningokoksik

Në raportimin mujor të sëmundshmërisë infektive gjatë muajit shkurt 2025 nga Spitali Infektiv Tiranë, është raportuar 1 rast i konfirmuar me meningit bakterial specifikisht *Neisseria meningokoksik*.

Rasti është i grup-moshës 15-19 vjeç, gjinia mashkull nga Durrësi. Rasti është konfirmuar me *Neisseria meningitides* në laboratorin mikrobiologjik të QSUT-së dhe ISHP. Shërbimi i epidemiologjisë dhe i shëndetit mjedisor pranë NJVKSH Durrës ka bërë hetimin në vatër, dhe ka marrë masat përkatëse.